

[Augsburg], 13. September 1555

An Joachim Camerarius d. Ä.

BSB, Clm 10370, Nr. 256.

Clarissimo viro, D. Ioachimo Camerario etc. Domino et amico suo colendo. Leipzig.  
 S. P. D. D. Stibari obitum, vt viri egregij, tibi amiciss[imi], a me non abhorrentis, equidem  
 doleo, eiusque memoriam libenter celebrarem, si ea in me facultas esset, aut fortuna me  
 pateretur animum vel ad cogitandum instituere. Nunc, quid possum aliud, quam te rogare, vt  
 quod mihi mandas, ipse, qui longè melius potes, facias, doloremq[ue] tuum mitiges, et quoniam  
 naturae nostrae negata est ἀπάθεια, ad μετριοπάθειαν, vt haud dubiè facis, recurras. Pluribus  
 me verbis apud te vti non decet, atque in his ipsis verecundiae καὶ τοῦ πρέποντος limites  
 excessisse videor. D. Hulderichus Fuggerus ita cunctator est, tot συμπτώμασιν obnoxius, οὕτω  
 δύστροπος, vt difficile sit ab eo responsum impetrare priusquam libuerit. instabo tamen per  
 occasionem, etsi spondere mihi posse videor, adolescentis δυστυχίαν tibi fraudi non futuram.  
 Vale. idibus Septembbris 1555.

Hiero[nymus] Wolfius Tuus.